



Шин поликлиник

Өдр ирвас мана Элст балгьен сая-хрэд, бөсэд йовна. Ноябрин 4-д кегдэд дуусгдсн саяхн ик герт шин поликлиник секгдджанә. Шин поликлиникд, оln-зүсн шалтга улс эмх кабинетс секгдджанә: хирургическ, герапевтическ, чикн-амн-хамрин, нүднә, шүднә, күүкд күүнә, невропатологическ, кожно-венерическ, физико-герапевтическ, шин аппаратулар теткгдсн рентгеновск болн цус авлгъна пункт. Оln амтс эмидг кабинетс 2—3 хората болад, шалтга улсиг селгагъяр өрүн-асхн уга халәхмн.

Шалтга улсиг бичдг хораст, амтн удан, бичә күләтхә гигад, г у р в н ормд бичхмндж.

Поликлиникд ик медрлтә эмчнр: Убушиева М. К., Наминов Л. В., Ефремова В. Т., медәтә эмчин сестрас Эрдниева, Дармина, Берденова болн багъ наста, шин экләд көдлджәх эмчнр Куницын, Жемчуев В. И. болн нань чигн кест эмчнр эн поликлиникд көдлхмн.

Поликлиник тосхлгъна көдлмшт Харнахинован болн Малухина багъ-

чудин малярмүдин бригадс, А. Дживакован штукатурмүдин бригад, Баихараевин модна урчнрин бригад, Сюгировин бригадин чолучнр, В. А. Чернышевин гер кеерүллгънә көдлмшин бригад, — цугъар шунмгъагъяр орлцад, шин поликлиникиг саяхн гер кеж дуусцхав.

Шин поликлиник — мана Коммунистическ партин болн Советск правительствин бас нег ик килмджин аш гидж санх зөвтә.

Е. МАНЦЫНА.